

# Interneta medeja

## “Latgalīšu kultūrys ziņu portals lakuga.lv” etikys kodekss

### Preambula:

“Latgalīšu kultūrys ziņu portala lakuga.lv” (iz prišku: portals lakuga.lv) eipašņiks ir bīdreiba “Latgolys Studentu centrs”.

Portalā lakuga.lv saturs teik publicāts tikai latgalīšu rokstu volūdā. Portala saturs parūoda latgaliskuos kultūrys aktualitatis i Latgolys kultūrys procesus myusu dīnuos i senatnē. Vīnlaikus portals ir platforma Latgolys kultūrys jaunradis procesā radeitūs vierteibu tuoluokai izplateišonai, snādzūt īspeju literatim, muzikim i cytom rodūšom personom īpazeistynuot sabīdreibu ar sovu daiļradi.

Žurnalisti i portala satura radeišonā īsaisteitī uorštata autori puorstuov portala lakuga.lv skaiteituoju interesis, nūdrūsynojuūt tīseibys i īspejis giut patīsu eistineibys atspīgeļuojumu par jūs interesejūšom nūtikšonom.

### Žurnalista aizdavumi i pīnuokumi:

- snēgt sabīdreibai patīsu i puorbaudeitu informaceju, informejūt i izgleitojūt skaiteituoju, šaubu gadīnī konsultejuūtīs ar redaktoru;
- izaturēt kritiski pret sev kuru reiceibā nūnuokušū informaceju, par potencialu interešu konfliktu nakavejūt informēt redaktoru;
- faktus atspīgeļuot objektivi, precizi i bez maldynuošonys;
- nūdrūsynuot redzīņu daudzveideibu; ari gadīņūs, kod pošam redzīni ruodīs napījamami;
- žurnalists ir tīseigs atsasaceit nu satura veiduošonys, ka tys ir pretrunā juo puorlīceibai voi uzskotim;
- pyrma informacejis izzynuošonys žurnalists ar sevi īpazeistynoju, nūsaucūt vuordu, pavuordi, puorstuovātū medeju;
- pyrma fotografejis uzjimšonys, audio īroksta, video īroksta veikšonys žurnalists sajam intervejamuos personys atļuovi informacejis tuoluokai izmontuošonai žurnalista dorbā. Uorpus žurnalistikys dorba dabuotuo informaceja nav izmontojama;
- klaidaini snāgtys informacejis gadīnī tei juoloboj voi juoatsauc, napīcīšameibys gadīnī juoatsavainoj;
- žurnalistam ir juoapsazynoj i juocīnej Latgolys regiona etniskuo, religiskuo i kultūrys daudzveideiba, napīļauņūt stereotipu i aizsprīdumu asameibu sovā dorbā;
- žurnalists nadreikst ījimt omotu politiskā partejā voi kandidēt vieliešonuos;
- žurnalista sagataveitais saturs nadreikst byut plagiats.

**Informacejis olūts:**

- žurnalisti nadreikst atkluat informacejis olūtu bez tuo pīkrisšonys;
- žurnalistam ir juopuorbauda olūta snāgtuo informaceja.

**Dorba naatkareiba:**

- portals lakuga.lv ir redakcionalī naatkareigs i napasakļauņ cytu organizaceju i kūpīnu intereseņ i ītekei.

**Kodeksa īvāruošona:**

- par etiskys praksis kodeksa īvāruošonu atbiļdeigs ir portala lakuga.lv redaktors, žurnalisti i uorštata autori.

Etikys kodekss apstyprynuots:  
2018. goda 16. janvarī

portala lakuga.lv redaktore Vineta Vilcāne